

---

Saksnr: 2020/61329-13  
Saksbehandlar: Einar Kåre Ulla

---

**Saksgang**

Utval	Utv.saksnr.	Møtedato
Kontrollutvalet		

Selskapskontroll av Trivselshagen IKS - fjerde oppfølging av fylkestinget i Sogn og Fjordane sitt vedtak i FT-sak 38/19

**Forslag til vedtak**

1. Kontrollutvalet er nøgde med oppfølginga av selskapskontrollen av THEigedom IKS (Trivselshagen IKS) etter no å ha mottatt vedteken eigarstrategi for selskapet
2. Kontrollutvalet vurderer vedtaket til fylkestinget i Sogn og Fjordane fylkeskommune i FT-sak 38/19 som ferdig oppfølgt

**Samandrag**

Sogn og Fjordane fylkeskommune gjennomførde selskapskontroll av Trivselshagen i 2019. Fylkestinget behandla rapporten etter den gjennomførde selskapskontrollen i FT-sak 38/19, og vedtok oppfølging av ni punkt.

Hogne Haktorson  
Kontrollsjef

Einar Kåre Ulla  
seniorrådgjevar

*Saksframlegget er godkjent elektronisk og har difor inga handskriven underskrift*

**Vedlegg**

- 1 Oppfølging av selskapskontrollen av THEigedom IKS (Trivselshagen IKS)
- 2 Eigarstrategi for THEigedom IKS

## Saksutgreiing

### Bakgrunn for saka

Bakgrunnen for denne saka er fylkestinget i Sogn og Fjordane fylkeskommune sitt vedtak i FT-sak 38/19 etter gjennomført selskapskontroll av Trivselshagen IKS. Det vart avdekka fleire område for forbetring i selskapskontrollen, og fylkestinget vedtok oppfølging av ni punkt, som var adressert til fylkeskommunen sine eigarutsendingar.

Vedtaket i fylkestinget i FT-sak 38/19:

- A. *Rapport etter gjennomført selskapskontroll av Trivselshagen IKS vert teken til etterretning*
- B. *Fylkestinget ber fylkeskommunen sine eigarutsendingar ta initiativ i representantskapet til å sette i verk følgjande tiltak:*
  1. *Ferdigstille arbeidet med å utgreie eigarstruktur*
  2. *Utarbeide felles eigarstrategi for selskapet (dersom ein ikkje vel å dele selskapet)*
  3. *Syte for at representantskapsmedlemmane deltek i eigarmøta.*
  4. *Revidere og vedta ny selskapsavtale, og under dette tydeleggjere føremålet med selskapet.*
  5. *Revidere og vedta nye leigeavtalar, inkludert avtale om fordeling av driftsoppgåver. Under dette også klargjere kva som skal reknast som framleige.*
  6. *Revidere og vedta ein avtale om areal- og kostnadsfordeling som er basert på faktisk bruk av areala, inkludert framleige.*
  7. *Følgje opp at selskapet setter i verk tiltak for å betre samhandlinga mellom leigetakarane og selskapet.*
  8. *Følgje opp at selskapet gjer ei ny vurdering av MVA-plikta*
  9. *Klargjere og eventuelt avtalefeste korleis overføring av tomtar skal skje, særleg det som gjeld festetomter og kva konsekvensar det har for betaling av festeavgift (om det ikkje inngår i ein ny selskapsavtale).*

Kontrollutvalet behandla 17.09.20 (1. oppfølging ) statusrapport datert 07.07.20 der utvalet gjorde slikt vedtak:

1. *Kontrollutvalet ser at det har vore gjort ein del arbeid i oppfølginga av vedtaket i FT-sak 38/19, men at det står att ein del før oppfølginga er ferdig*
2. *Kontrollutvalet ber om ny statusrapport for oppfølging av vedtaket i FT-sak 38/19 i møte 25.11.2020*

Kontrollutvalet behandla 25.11.20 (2. oppfølging) ny statusrapport datert 04.11.20 der utvalet gjorde slikt vedtak:

1. *Kontrollutvalet ser at det har vore gjort ein del arbeid i oppfølginga av vedtaket i FT-sak 38/19 sidan sist oppfølging 17.09.20, men at det står att ein del før oppfølginga er ferdig*
2. *Kontrollutvalet ber om ny statusrapport for oppfølging av vedtaket i FT-sak 38/19 innan 27.01.2021, slik at kontrollutvalet kan behandle rapporten i møte 17.02.2021.*
3. *Kontrollutvalet ber særleg administrasjonen følge opp punkt B9 i FT-sak 38/19.*

Kontrollutvalet behandla 15.02.21 (3. oppfølging) statusrapport datert 27.01.21 der utvalet vedtok:

1. *Kontrollutvalet er godt nøgde med arbeidet som er gjort i oppfølginga av selskapskontrollen*
2. *Kontrollutvalet ber om ny statusrapport av arbeidet med eigarstrategi innan 25.05.2021*

### Vedtakskompetanse

Kontrollutvalet har vedtakskompetanse til å følgje opp fylkestinget sine vedtak etter revisjonsrapportar, jf. kommunelova § 23-2, e.

### Vurderingar og verknader

Sekretariatet mottok ny statusrapport frå fylkesrådmannen 19.05.2021, der fylkesrådmannen skriv at eigarane, Gloppen kommune og Vestland fylkeskommune, nyleg har vedteke ein felles eigarstrategi. Fylkesrådmannen skriv vidare:

*«Eigarane har frå før vedteke ein revidert selskapsavtale som fastset selskapet sitt føremål og rammer for organiseringa. Med eigarstrategien definerer eigarane nærmare kva som skal vere kjerneområdet for selskapet si verksemd og fastset ytterlegare rammer for organisering, eigarstyring og selskapsleiing. I strategien set eigarane m.a. konkrete mål for drifta av selskapet, fastset krav til styret, etablerer ein rutine for jamlege eigarmøte og legg til rette for systematisk oppfølging av informasjon frå selskapet.»*

Fylkesrådmannen skriv til slutt i sin rapport (vedlagt) at eigarstrategien vart vedteken av fylkeskommunen (fylkesutvalet) 11.05.2021, og av Gloppen kommune 28.04.2021.

Eigarstrategien er vedlagt saka.

Sekretariatet vurderer med dette fylkestinget i tidlegare Sogn og Fjordane fylkeskommune sitt vedtak i FT-sak 38/19 til å vere ferdig oppfølgt.

### **Konklusjon**

Eigarane har fått på plass eigarstrategien til selskapet, og dermed er fylkestinget i Sogn og Fjordane fylkeskommune sitt vedtak i FT-sak 38/19, etter sekretariatet si vurdering, ferdig oppfølgt.

Arbeidet med oppfølging av selskapskontrollen av THeigedom (Trivselshagen IKS) er no fullført.